



# Txoj Cai Assisted Living Bill of Rights


Assisted Living Bill of Rights

## Txoj Cai Assisted Living Bill of Rights yog dabtsi?

Txoj Cai Assisted Living Bill of Rights yog ib txoj cai uas pab tiv thaiv koj yog tias koj nyob hauv ib lub Tsev Laus Muaj Kev Pab hu uas Assisted Living Facility. Koj nrhiav tau txoj kevcai lij choj no thiab lwm cov kev thiv thaiv hais txog Assisted Living hauv MN cov kevcai ntawm [Sec. 144G.91 MN Statutes](#). Daim ntawv qhia no qhia txog tej co cai tseem ceeb tshaj koj muaj nyob hauv txoj cai.

## Yog vim li cas nws thiaj tseem ceeb?

Txoj kevcai lij choj pab tiv thaiv txog ntau yam. Ib qhov uas tseem ceeb tshaj yog pab tiv thaiv kev ntiab tawm tsev. Yog koj lub Tsev Laus Muaj Kev Pab sim muaj koj ntiab tawm tsev thiab lawv ua txhaum cov cai koj muaj, koj muaj feem ua ntawv kom koj rov los hais dua qhov ntiab tawm tsev.



## Kev Tu thiab Cov Kev Pab

Cov kev tu thiab pab koj yuav tsum:

- Tso siab tau rau. Qhov no txhais tau tias koj ntseeg lawv yuav ua zoo ib yam txhua zaus thiab zoo.
- Ua los ntawm cov neeg uas kawm tawm los lawm.
- Raws li koj kev toob kas.
- Nyob hauv cov ntaub ntawv pab saib xyuas nws raws li kev toobkas thiab yeej ua raws li ntawd.

## Kuv yig puas tau txoj kev tu lossis cov kev pab?

Tau. Koj yig tau txoj kev tu lossis cov kev pab. Yog koj yig ib qho twg, qhov chaw ntawd yuav tsum qhia koj hais tias puas muaj tej yam teebmeem yuav tshwm sim rau cev nqaij daim tawv lossis puas siab puas ntsws.

## **Kuv puas muaj feem los pab npaj txog kuv txoj kev tu thiab cov kev pab?**

Muaj. Koj muaj cai los koom npaj txog koj txoj kev tu thiab cov kev pab. Qhov no kuj hais txog cov kev hloov thiab soj ntsuam txog koj txoj kev tu thiab cov kev pab.

Koom nrog npaj yog tej yam xws li:

- Nrog cov neeg tu koj tham txog txoj kev tu koj thiab cov kev pab, tej kev kho uas koj toobkas, thiab lwm yam kev pab lawv muaj.
- Cia tsev neeg lossis lwm cov neeg sawv cev rau koj nrog pab npaj.
- Qhia rau koj ua ntej txog tej kev hloov rau koj txoj kev tu lossis kev pab.

## **Tu Kom Zoo**

Yuav tsum ua zoo thiab saib tau koj tas mus li. Koj cov khoom ntiag tug los yuav tsum siab kom zoo thiab.



## **Tu Phem**

Tsis pub kom ua phem rau koj. Koj muaj txoj cai kom tsis txhob raug kev tsim txom los ntawm ua phem rau lub cev, txoj kev daj dees, thiab koj kev xav. Kuj pab tiv thaiv txog kev tsis saib tsis xyuas koj, ua phem rau koj, thiab dag/ntxias koj nyiaj txiag. Qhov no yog lwm tus neeg xav siv **koj** cov nyiaj lossis khoom ntiag tug rau lawv tus kheej.

## **Muaj Txoj Cai Mus thiab Los Ywj Siab**

Koj mus thiab los ntawm koj lub tsev laus raws li koj siab xav. Tsuas txiav tau tej yam kev ua raws li siab xav yog tias txoj cai lossis koj txoj kev npaj hais li ntawd xwb.

## **Kuv txiav txim siab kuv tus kheej puas tau?**

Koj muaj cai los txiav txim siab rau koj lub neej koj tus kheej. Koj txiav txim siab tau tias txua hnuv koj yuav ua dabtsi thiab xaiv tias koj yuav nrog leejtwg tham.

## **Kuv puas yog tus tshwj kuv cov nyiaj?**

Yog. Koj tshwj koj cov nyiaj thiab txiav txim siab seb yuav siv li cas.

## **Cov Qhua thiab Kev Ua Si**

Koj xav muaj qhua thaum twg los tau. Nws yog tsev neeg lossis cov phoojywg lossis lwm tus los tau. Tsuas txiav tau qhov no yog hais tias yuav pab koj qhov kev noj qab haus hu thiab kev nyab xeeb xwb.

Koj muaj cai los koom tes nrog lub zej zog, ua noj ua haus, kev cai dab qhuas, lag luam, thiab kas moos tebchaws.

## **Tsis Qhia Txog Koj Tus Kheej thiab Kab Lis Kev Cai**

Yuav tsum hwm qhov tsis qhia txog koj tus kheej thiab kab lis kev cai txhua lub sijhawm. Tshwj yog muaj xwm ceev, cov neeg ua haujlwm ntawm qhov chaw koj nyob yuav tsum khob qhov rooj ua ntej nkag los rau hauv koj chav. Koj kuj muaj txoj cai tsis pub leejtwg hnov thaum nrog lwm tus tham hauv xov tooj lossis tim ntsej tim muag.

Koj cov cai tsis pub leejtwg paub kuj yog hais txog thaum koj:

- tham txog txoj kev tu koj nrog lwm tus
- raug kuaj lossis kho
- siv chav dej lossis lwm yam kev tu lub cev

Hwm koj cov kab lis kev cai yog tej yam xws li saib tau thiab paub txog koj hom lus thiab kev cai.



## **Tsis Pub Qhia Tawm Koj Cov Keebkwm Ntaub Ntawv**

Yuav tsum tsis txhob qhia tawm cov ntaub ntawv qhia txog koj tus kheej, nyiaj txiag, thiab kev noj qab haus huv. Yog lwm tus nug txog lawv, yuav tsum qhia koj hais tias yog leejtwg thiab vim li cas lawv thiaj xav yuav lawv. Koj hais tau rau tus neeg uas xav saib cov ntaub ntawv hais tias tsis kam tshwj yog txoj cai tso cai. Koj saib koj cov ntaub ntawv thaum twg los tau.

## Chav nyob thiab Cov Neeg Nrog Nyob

Koj eb tau koj chav li koj siab nyiam. Koj siv tau cov rooj tog uas koj nyiam. Yog koj koom ib chav nrog lwm tus, koj xaiv tau tus khub nrog koj nyob.

## Tsis Txaus Siab

Koj muaj cai hais txog tej yam tsis txaus siab lossis nug txog tej yam. Qhov chaw ntawd yuav tsum qhia koj hais tias tus neeg ua haujlwm twg yog tus koj mus qhia qhov tsis txaus siab rau. Lawv yuav tsum teb koj kom sai.

## Cov Nqi thiab Yam Raug Them

Ua ntej koj yuav xee npe rau tej yam hais txog koj lub tsev laus lossis cov kev pab, koj muaj cai paub tagrho txhua yam txog cov nqi thiab tej yam yuav raug them. Lawv yuav tsum qhia koj hais tias koj yuav raug them dabtsi. Thiab lawv yuav tsum qhia koj txog tej yam tsis muaj hauv lub tsev laus lossis cov kev pab.



## Lwm Cov Cai

Cov cai no tsis nyob rau hauv Txoj Cai Assisted Living Bill of Rights, tabsis koj kuj muaj cov cai los:

1. Teeb ib lub koob yees duab rau hauv koj chav.
2. Ua ntawv kom koj rov los hais txog qhov ntiab tawm tsev ntawm ib lub Tsev Laus Muaj Kev Pab.
3. Thov kom tau kev pab lij choj lossis kev pab los ntawm Ombudsman rau Long-Term Care. Yog koj toobkas kev pab los ntawm tus Ombudsman, hu rau: 651-431-2555.

*Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.*

© 2024 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.